



### Amirrudin Juara Pidato Piala Naib Canselor UPM



*Amirrudin membahaskan tajuk 'Model Ekonomi Baru: Ruang Kebolehpasaran Mahasiswa'.*

**SERDANG, 11 April** – Pelajar Tahun 3 Bachelar Pendidikan (Pengajaran Bahasa Inggeris Sebagai Bahasa Kedua) Universiti Putra Malaysia (UPM), Amirrudin Abdul Rahman muncul sebagai juara pertandingan Pidato Naib Canselor UPM kategori Bahasa Melayu.

Amirrudin membahaskan tajuk 'Model Ekonomi Baru: Ruang Kebolehpasaran Mahasiswa' yang membicarakan peranan kerajaan untuk meningkatkan pendapatan tinggi kepada semua lapisan rakyat dari peringkat bawahan hingga atasan.

"Walaupun saya menjuarai lima kali pertandingan pidato peringkat kebangsaan, saya berharap akan menjuarai pidato peringkat antarabangsa satu hari nanti," katanya yang membawa pulang hadiah RM1,000 berserta piala.



Bagi kategori Bahasa Inggeris pula dimenangi oleh pelajar Universiti Institut Teknologi Mara (UiTM), Syafiq Bakhtiar dengan mendapat hadiah RM1,000 serta piala dan sijil penyertaan.

Johan keseluruhan pertandingan itu dimenangi oleh UiTM dengan meraih hadiah RM5,000.



*Amirrudin dengan hadiah kemenangannya.*

Pertandingan akhir pidato itu dirasmikan oleh Naib Canselor UPM, Prof. Datuk Dr. Nik Mustapha R. Abdullah dan Timbalan Naib Canselor UPM (Hal Ehwal Pelajar), Prof. Dr. Azali Mohamed.

“Saya berharap ia akan menjadi acara tahunan yang mendapat sambutan menggalakkan daripada seluruh mahasiswa institut pengajian tinggi tanah air.



“Ia menjadi satu wahana yang berpotensi bagi membantu meningkatkan kemahiran komunikasi, kecerdasan minda dan kreativiti pelajar,” katanya.



*Barisan pemenang bergambar bersama Prof. Datuk Dr. Nik Mustapha R. Abdullah.*

**Berita ini disediakan oleh Seksyen Media, Bahagian Komunikasi Korporat UPM.  
(Mohd Faisal Md Noor 03-89466013).**

---

Hak Cipta Terpelihara 2007  
Universiti Putra Malaysia